

MARHAVI YA SARS YA PFULA HI MUGQIVELA HI NHLANGULA KU PFUNETA HI MITLHERISO YA XIBALO XA MALINGHENA

Pretoria, ti 30 Ndzhati 2019 – Marhavi ya SARS ya ta pfula hi Mugqivela hi Nhlangua 2019 ku pfuneta vahakelaxibalo hi ku fayila mitlheriso ya xibalo xa malinghena ya vona hi voxwe.

Ku endla leswaku swi olova eka vahakelaxibalo ku landzelerisa, marhavi ya SARS ya ta pfula ku sukela hi 08:00 ku fikela hi 13:00 hi ti 5, 12, 19 na 26 Nhlangua 2019. Mpfuneto lowu nga ta nyikiwa hi Mugqivela wu tava wu katsa:

- Rhumelo wa mitlheriso ya xibalo xa malinghena ya vona hi voxwe
- Ku pfuna vahakelaxibalo hi voxwe ku titsarisela no fayila eka SARS MobiApp.

Vahakelaxibalo lava fikelelaka swilaveko HINKWASWO leswi landzelaka va tsundzuxiwa leswaku a va fanelangi ku fayila mitlheriso:

- Malinghena ya wena hinkwayo ya ntholo ya lembe ku nga si susiwa xibalo a yi hundzi R500 000
- U kuma ntsena malinghena ya ntholo ku suka eka MUTHORI U'NWE eka lembexibalo ro helela
- A wu na xivumbeko xin'wana xa MALINGHENA (xik. nxengetelo wa movha, malinghena ya bindzu, na malinghena ya rhente, ntswalo lowu hakerisiwaka xibalo kumbe malinghena ku suka eka ntirho wun'wana)
- A va na misuso yin'wana yo engetelelela leyi yelanaka na xibalo leyi faneleke ku koxiwa (xik. tihakelo ta swa vutshunguri, tihakelo ta rhithayamente anyuwithi na tihakelo ta swa marendzo).

SARS yi tsakela ku tsundzuxa vahakelaxibalo hinkwavo ku ta na tidokhumente to seketela leti faneleke ku papalata mpfilungano. Leti ti katsa:

- Vuxokoxoko bya wena bya le bangi
- Setifikheti (tisetifikheti) ta wena ta IRP5/IT3(a)
- Tisetifikheti [IT3(b)] leti u ti kumeke mayelana na malinghena yin'wana na yin'wana ya vuvekisi
- Vuxokoxoko bya tihakelo ta vutshunguri leti hakeriweke hi wena naswona ti nga angarheriwangi hi xikimi xa wena xa swa vutshunguri.
- Setifikheti ya mpfuneto wa swa vutshunguri ku kuma vuxokoxoko bya tihakelo ta mpfuneto wa swa vutshunguri leti nga tsariwangiki eka setifikheti (tisetifikheti) ya wena ya IRP5/IT3(a)
- Fomo ya ntiyisiso wa nhlahluvo wa vutsoniwa leyi tatiweke (ITR-DD), laha swi faneleke

- Tisetifikheti ta tihakelo ta rhithayamente anyuwithi
- Vuxokoxoko bya marendzo ya bindzu (loko u kumile xengetelo wa swa marendzo kumbe u lava ku koxa ehenhla mbuyelo wa le ntirhweni kumbe movha lowu nyikiweke hi muthori)
- Vuxokoxoko mayelana na tikhirediti leti khomiweke ta xibalo xa matikomambe
- Switatimende swa timali, laha swi fanelek xik. Malinghena ya bindzu
- Tidokhumente tin'wana na tin'wana leti faneleke ta mayelana na malinghena leyi u yi kumeke kumbe misuso leyi u lavaka ku yi koxa.

Masiku yo pfala ya Nguva ya Xibalo ya 2019 eku fayiliweni ka mitlheriso ya xibalo xa malinghena hi lawa:

- 31 Nhlangua 2019 eka Vahakelaxibalo va nkarhinyana na lava nga ri ki va nkarhinyana lava endzelaka rhavi ra SARS ku ya pfuniwa hi ku fayila.
- 4 N'wendzambahala 2019 eka vahakelaxibalo lava nga ri ki va nkarhinyana lava tirhisaka eFiling na SARS MobiApp.
- 31 Sunguti 2020 eka vahakelaxibalo va nkarhinyana lava tirhisaka eFiling.

Hi hlohlotela vahakelaxibalo ku endla swo lulama kun'we tanihileswi ku hoxa xandla kun'wana na kun'wana ka xibalo ku kotisaka no aka, mfumo wa xidemokirasi lowu hlayisaka nkulo wa ikhonomi nhlayiso wa vanhu wa nkarhi wo leha na nkoka na ntshamiseko wa vaaki va Afrika-Dzonga.